

Հայաստանի Հանրապետության
փաստաբանների պալատի խորհրդի
16.01.2024թ. թիվ 1/18-Լ որոշման



Պալատի խորհրդի նախագահ՝
Սիմոն Բարսյան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ
ՈՐԱԿԱՎՈՐՄԱՆ ՀԱՆՁՆԱԺՈՂՈՎԻ ԳՈՐԾՈՒՆԵՈՒԹՅԱՆ 2023 ԹՎԱԿԱՆԻ
ՀԱՇՎԵՏՎՈՒԹՅՈՒՆ**

Հայաստանի Հանրապետության փաստաբանների պալատի որակավորման հանձնաժողովը (այսուհետ, նաև՝ Որակավորման հանձնաժողով) որակավորման քննությունները կազմակերպելու և դրանց արդյունքներն ամփոփելու նպատակով երկու տարի ժամկետով կազմավորված, ինն անդամից բաղկացած մարմին է:

«Փաստաբանության մասին» օրենքի 12-րդ հոդվածի երկրորդ մասի համաձայն՝ փաստաբանների պալատի որակավորման հանձնաժողովը կազմավորվում է երկու տարի ժամկետով՝ ինն անդամի կազմով, ներկայացուցչության հետևյալ համամասնությամբ.

- 1) փաստաբանների պալատի խորհրդի ընտրած հինգ փաստաբան.
- 2) Հայաստանի Հանրապետության արդարադատության նախարարությունից մեկ ներկայացուցիչ՝ Հայաստանի Հանրապետության արդարադատության նախարարի ներկայացմամբ.
- 3) Վճռաբեկ դատարանից մեկ դատավոր՝ Վճռաբեկ դատարանի նախագահի ներկայացմամբ.
- 4) երկու իրավաբան գիտնական՝ սույն հոդվածով սահմանված կարգին և պայմաններին համապատասխան:

Փաստաբանների պալատի որակավորման հանձնաժողովի լիազորությունները, նիստերի գումարման կարգը և Փաստաբանների պալատի կանոնադրությամբ չկարգավորված հարցերը կարգավորվում են Փաստաբանների պալատի խորհրդի կողմից ընդունված որակավորման հանձնաժողովի ձևավորման և գործունեության կարգով:

ՀՀ փաստաբանների պալատի խորհրդի 21.03.2023թ. թիվ 8/11-Ա որոշմամբ երկու տարի ժամկետով կազմավորվել է փաստաբանների պալատի նոր որակավորման հանձնաժողով:

05.04.2023թ. կայացել է Հայաստանի Հանրապետության փաստաբանների պալատի որակավորման հանձնաժողովի անդամիկ նիստը:

2023 թվականին կազմակերպված որակավորման քննություններն անցկացվել են երկու փուլով՝ առաջին փուլի ընթացքում հավակնորդները կատարել են գրավոր առաջադրանք, իսկ երկրորդ փուլի ընթացքում պատասխանել են քննատոմսի և Որակավորման հանձնաժողովի անդամների

հարցերին:

2023 թվականի գարնանը կազմակերպված որակավորման քննություններին մասնակցելու համար դիմում են ներկայացրել ընդհանուր 94 հավակնորդ, որից 85-ը ՀՀ փաստաբանական ակադեմիան ավարտած ունկնդիրներ, իսկ 9 հավակնորդ՝ «Փաստաբանության մասին» օրենքի 45.11-րդ հոդվածի 1-ին մասի 2-րդ և 3-րդ կետերի հիմքով որակավորման քննություններին մասնակցություն իրավունք ունեցող անձինք:

ՀՀ փաստաբանական ակադեմիան ավարտած ունկնդիրների (այսուհետ՝ Ունկնդիր) քաղաքացիաիրավական և վարչաիրավական ուղղվածության դիմորդների գրավոր փուլն անցկացվել է 23.05.2023 թվականին, որին մասնակցել է 49 հավակնորդ:

Ունկնդիրների քրեաիրավական ուղղվածության դիմորդների գրավոր փուլն անցկացվել է 24.05.2023 թվականին, որին մասնակցել է 36 հավակնորդ:

Ունկնդիրների քաղաքացիաիրավական և վարչաիրավական ուղղվածության դիմորդների բանավոր փուլն անցկացվել է 08.06.2023 թվականին, որին մասնակցել է 46 հավակնորդ:

Ունկնդիրների քրեաիրավական ուղղվածության դիմորդների բանավոր փուլն անցկացվել է 08.06.2023 թվականին, որին մասնակցել է 31 հավակնորդ:

«Փաստաբանության մասին» օրենքի 45.11-րդ հոդվածի 1-ին մասի 2-րդ և 3-րդ կետերի հիմքով որակավորման քննություններին մասնակցություն իրավունք ունեցող անձանց գրավոր փուլն անցկացվել է 17.07.2023 թվականին, որին մասնակցել է 8 դիմորդ, իսկ բանավոր փուլը անցկացվել է 28.08.2023 թվականին, որին մասնակցել է 1 դիմորդ:

2023թ թվականի գարնանը կազմակերպված որակավորման քննությունները ընդհանուր հանձնել է 74 հավակնորդ (47 քաղ./31 քր.), չի հանձնել 16 հավակնորդ (5 քաղ./ 11 քր.)

2023 թվականի գարնանը որակավորման քննություններին մասնակցելու դիմում ներկայացրած հավակնորդներից 4-ը քննությանը չի ներկայացել:

2023թ. գարնանը կազմակերպված որակավորման քննություններին մասնակցած հավակնորդների ընդհանուր քանակը ¹	
74 (82,2%) հավակնորդ հանձնել է	16 (17,8%) հավակնորդ չի հանձնել

2023 թվականի աշնանը կազմակերպված որակավորման քննությունները անցկացվել են երկու փուլով, որին մասնակցելու համար դիմում է ներկայցրել 129 հավակնորդ:

Քաղաքացիահիրավական և վարչահիրավական ուղղվածության դիմորդների գրավոր փուլն անցկացվել է 02.11.2023 թվականին, որին մասնակցել է 74 հավակնորդ:

Քրեահիրավական ուղղվածության դիմորդների գրավոր փուլն անցկացվել է 03.11.2023 թվականին, որին մասնակցել է 55 հավակնորդ:

Քաղաքացիահիրավական և վարչահիրավական ուղղվածության դիմորդների բանավոր փուլը անցկացվել է 23.11.2023 թվականին, որին մասնակցել է 65 հավակնորդ:


Քրեահիրավական ուղղվածության դիմորդների բանավոր փուլը անցկացվել է 24.11.2023 թվականին, որին մասնակցել է 49 հավակնորդ:

Ընդհանուր հավակնորդներից թվով 74 հավակնորդ դիմել է քաղաքացիահիրավական ուղղվածությամբ, իսկ 55 հավակնորդ քրեահիրավական ուղղվածությամբ:

2023 թվականի գարնանը կազմակերպված որակավորման քննությունները հանձնել է 108 հավակնորդ (62 քաղ./ 46 քր.), չի հանձնել 21 հավակնորդ (քաղ. 12 / 9 քր.)

2023թ. աշնանը կազմակերպված որակավորման քննություններին մասնակցած հավակնորդների ընդհանուր քանակը՝	
108 (83,8%) հավակնորդ հանձնել է	21 (16,2%) հավակնորդ չի հանձնել

Հայաստանի Հանրապետության
փաստաբանների պալատի
որակավորման հանձնաժողովի
նախագահ՝



Հունան Տեր-Վարդանյան

Հայաստանի Հանրապետության
փաստաբանների պալատի
որակավորման հանձնաժողովի
քարտուղար՝



Լուսինե Սարգսյան